

**S L U Ž B E N E   N O V I N E**  
**KANTONA SARAJEVO**

Broj 51 – Strana 2

Srijeda, 30. decembra 2015.

**"Član 4.**

Građevine čija je izgradnja započeta do 31.12.2015. godine na koje se ne mogu primijeniti odredbe člana 3. ove Odluke rješavat će se po odredbama Zakona, uz obavezu plaćanja posebne naknade.

Za započete radove plaća se posebna naknada na način utvrđen u članu 20. ove Odluke."

**Član 2.**

U članu 7. stav 1. mijenja se i glasi:

"Po ovoj Odluci vrši se legalizacija građevina iz čl. 3., 5. i 6. Odluke koje su izgrađene do 31.12.2015. godine."

**Član 3.**

Član 10. mijenja se i glasi:

**"Član 10.**

Zahtjev za donošenje rješenja o naknadnoj urbanističkoj saglasnosti prema odredbama ove odluke iz čl. 3., 5. i 6. ove Odluke može se podnijeti do 31.01.2016. godine."

**Član 4.**

U članu 18. u stavu 3. alineja 3. mijenja se i glasi:

"- izradu planova prostornog uređenja"

**Član 5.**

Iza člana 18. dodaje se novi član 18.a koji glasi:

**"Član 18.a**

Plaćanje posebne naknade vrši se na osnovu rješenja kojim se utvrđuje iznos naknade i način njenog plaćanja.

Plaćanje posebne naknade može se vršiti u cijelokupnom iznosu ili najviše u 24 jednakne mjesečne rate.

Izuzetno od odredbi člana 18. stav 4. ove Odluke investitor, kome je utvrđeno plaćanje naknade u mjesечnim ratama, dužan je dokaz o plaćenom cijelokupnom iznosu posebne naknade dostaviti najkasnije uz zahtjev za izdavanje upotrebnih dozvola".

**Član 6.**

Član 24. Odluke mijenja se i glasi:

**"Član 24.**

Postupak inspekcijskog nadzora i rušenja bespravne građevine sprovest će se u skladu sa važećim propisima.

Izuzetno od odredbi stava 1. ovog člana nadležna služba za inspekcijske poslove donijet će zaključak o dozvoli izvršenja rješenja o rušenju bespravno izgrađene građevine ukoliko:

1. ovlašćeno lice ne podnese zahtjev za donošenje naknadnog rješenja u roku do 31.01.2016. godine.
2. zahtjev bude odbijen ili odbačen, a protiv njega nije uložena žalba ili pokrenut upravni spor odnosno kada po istom budu iskorištena sva redovna pravna sredstva.

Za bespravno sagradene građevine za koje se utvrdi da su izgrađene na javnim površinama, trgovima, u zaštitnim infrastrukturnim pojasevima duž infrastrukturnih trasa i građevina i sl., nadležna služba za inspekcijske poslove sprovest će postupak inspekcijskog nadzora u cijelosti u skladu sa važećim propisima (uključujući donošenje rješenja o rušenju - uklanjanju kao i zaključka o rušenju - uklanjanju bespravno izgrađene građevine), neovisno da li je za takvu građevinu podnesen zahtjev za donošenje naknadnog rješenja.

**Član 7.**

Član 26. a. mijenja se i glasi:

**"Član 26.a**

Blagovremenim se smatraju svi zahtjevi podneseni od dana stupanja na snagu Odluke ("Službene novine Kantona Sarajevo", br. 6/06, 18/07, 18/08 i 35/12) do 31.01.2016. godine."

**Član 8.**

Ova Odluka stupa na snagu osmog dana od dana objavlјivanja u "Službenim novinama Kantona Sarajevo".

Broj 01-05-32673/15  
21. decembra 2015. godine  
Predsjedateljica  
Skupštine Kantona Sarajevo  
Prof. Ana Babić, s. r.

Na osnovu člana 18. tačka m) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04 i 6/13) te člana 26. stav (2) Zakona o zaštiti prava pripadnika nacionalnih manjina u Kantonu Sarajevo ("Službene novine Kantona Sarajevo", broj 27/11), Skupština Kantona Sarajevo, na sjednici održanoj dana 21.12.2015. godine, donijela je

**ODLUKU**

**O IZMJENI ODLUKE O IMENOVANJU ČLANOVA  
VIJEĆA NACIONALNIH MANJINA KANTONA  
SARAJEVO**

**I**

U Odluci o imenovanju Vijeća nacionalnih manjina Kantona Sarajevo ("Službene novine Kantona Sarajevo", br. 13/12, 29/12, 42/12, 45/13, 29/15 i 45/15) u tački III, alineja 8. mijenja se i glasi:

"8. Varan Hakan, predstavnik Turske nacionalne manjine,"  
II

Ova odluka stupa na snagu osmog dana od dana objavlјivanja u "Službenim novinama Kantona Sarajevo".

Broj 01-05-32674/15  
21. decembra 2015. godine  
Predsjedateljica  
Skupštine Kantona Sarajevo  
Prof. Ana Babić, s. r.

Na osnovu člana 18. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04 i 6/13), a u skladu sa članom 31. stav (2) Zakona o lovstvu ("Službene novine Federacije Bosne i Hercegovine" broj 4/06, 8/10 i 81/14) i članom 3. stav (1) Pravilnika o načinu određivanja i obilježavanja granica lovišta i postupku osnivanja lovišta u Federaciji Bosne i Hercegovine ("Službene novine Federacije BiH", broj 5/08), Skupština Kantona Sarajevo, na sjednici održanoj dana 21.12. 2015. godine, donijela je

**ODLUKU**

**O IZMJENAMA ODLUKE O OSNIVANJU LOVIŠTA NA  
PODRUČJU KANTONA SARAJEVO**

**Član 1.**

(Izmjena tačke d) člana 6.)

U Odluci o osnivanju lovišta na području Kantona Sarajevo ("Službene novine Kantona Sarajevo" br. 17/10 i 42/12) u članu 6. u stavu (1) tačka d) mijenja se i glasi:

"d) Površina lovišta: 9.108,20 ha".

Stav (3) briše se.

Dosadašnji stav (4), postaje stav (3).

**Član 2.**

(Izmjena tačke d) člana 10.)

(1) U članu 10. u stavu (1) tačka d) mijenja se i glasi:

"d) Površina lovišta: 12.627,7 ha".

(2) Stav (2) mijenja se i glasi:

"(2) Granica lovišta "Bukovik" polazi sa tromeđe administrativnih granica Općine Ilijaš, Općine Stari Grad i granice između Entiteta utvrđenom Dejtonskim mirovnim sporazumom južno od kote "Karaula" (1394), te u pravcu jugozapada ide granicom Entiteta sve do trase uskotračne pruge (Bistrik - Pale) gdje mijenja smjer i u pravcu sjeverozapadu ide trasom pruge odnosno granicom Zaštićenog pejzaža "Trebević" (opisanom Zakonom o proglašenju zaštićenog pejzaža "Trebević" "Službene novine Kantona Sarajevo"

**S L U Ž B E N E   N O V I N E**  
**KANTONA SARAJEVO**

Srijeda, 30. decembra 2015.

Broj 51 – Strana 3

broj 15/14) koju prati sve do dolaska na Entitetsku granicu južno od naselja "Berkuša". Dalje granica u pravcu sjeverozapada nastavlja Entitetskom granicom do aerodromske ceste gdje mijenja smjer i kreće administrativnom granicom općina N. Sarajevo i Iliča, opisno ide u pravcu sjeverozapada kroz naselje Aerodrom do Stupskog brda. Dalje granica nastavlja u pravcu sjeverozapadu do Halilovića gdje izlazi na rijeku Miljacku odakle u pravcu sjeverozapada ide nizvodno koritom rijeke Miljacke do ušća u rijeku Bosnu, kratko ide uzvodno koritom rijeke Bosne, pa preko mosta u Butilima vraća se uz prugu do kote 522, a onda rubom šume izlazi na "Treševine" i kotu 567. Ovdje granica lovišta skreće i produžava u pravcu sjevera preko kote "Paretket" sa sjeveroistočne strane obilazi kotu "Žirak" (610), a onda ide između naseljenih mjesto Vlakovo i Bojnik i u pravcu sjeverozapada izlazi na kotu "Mali oštrik". Ovdje granica lovišta mijenja smjer i nastavlja u pravcu sjeveroistoka preteći granicu općina N. Sarajevo i Iliča preko "Golog brda", "Siljka", "Šarentov grebena", te prolazi južno od kote "Paljevo" gdje mijenja smjer i u pravcu jugoistoka nastavlja administrativnom granicom općina N. Sarajevo i Vogošća prolazi jugozapadno od kote "Grad" (761), te nastavlja preko kote 770 i kote 661, ne mijenjajući pravac prolazi jugozapadno od "Oštika" dolazi do rijeke Bosne kratko ide nizvodno koritom rijeke Bosne i u pravcu jugoistoka dolazi na kotu "Gradac" (682) te preko "Golog brda", kote "Žuč" (850) do kote "Orlić" (876). Dalje granica lovišta prati administrativnu granicu općine Centar i u pravcu sjeveroistoka preko naseljenog mjesto Kobilja glava, nastavlja u istom pravcu i obilazi sa zapadne strane kotu "Brijege" (703) i kotu 722, dolazi na put kada mijenja smjer i u pravcu sjeveroistoka dolazi na kotu 713, te nastavlja u pravcu sjeverozapada i dolazi na kotu "Ober" 944, dalje nastavlja u pravcu sjeveroistoka i prolazi zapadno od kote 1076, te preko kote "Bjelosava" (1906) nastavlja administrativnom granicom općine Centar i sa zapadne strane obilazi kotu "Lopata" (1103) i u pravcu sjeverozapada silazi u Perački potok. Ovdje granica mijenja pravac i nastavlja administrativnom granicom Općine Centar u pravcu sjeverostoka i uzvodno koritom Peračkog potoka dolazi do granice "Spomenika prirode Skakavac" koju prati u pravcu jugoistoka preko kote "Uževica" 1387 i preko kote 1416 dolazi do kote 1323 gdje mijenja smjer i u pravcu sjeveroistoka dolazi do kote "Vratolom" (1494). Dalje granica lovišta nastavlja u pravcu sjeveroistoka granicom "Spomenika prirode Skakavac" i dolazi do kote "Vranjska strana" 1344 odakle u pravcu sjeverozapada dolazi do administrativne granice Općine Stari Grad i Iljaš gdje napušta granicu zaštićenog područja "Spomenik prirode Skakavac" i nastavlja administrativnom granicom Općine Stari Grad u pravcu sjeveroistoka, a potom u pravcu jugoistoka i dolazi na granicu između Entiteta odnosno do početne tačke opisa granice lovišta "Bukovik".

**Član 3.**

(Izmjena člana 14.)

Član 14. mijenja se i glasi:

**"Član 14.**

(Zaštićena područja)

Kantonalna javna ustanova za zaštićena prirodna područja Kantona Sarajevo koja upravlja "Zaštićenim pejzažom Bijambare", "Spomenikom prirode Škakavac", "Spomenikom prirode Vrelo Bosne" i Zaštićenim pejzažem "Trebević" gospodari sa divljači u skladu sa odredbama Zakona o proglašenju zaštićenog pejzaža "Bijambare" ("Službene novine Kantona Sarajevo" broj 6/10), Zakon o proglašenju šireg područja Vodopada "Škakavac" Spomenikom prirode ("Službene novine Kantona Sarajevo" broj 11/10), Zakonom o proglašenju spomenika prirode "Vrelo Bosne" ("Službene novine Kantona Sarajevo" broj 6/10 - Prečišćeni tekst), Zakonom o proglašenju zaštićenog pejzaža

"Trebević" ("Službene novine Kantona Sarajevo" broj 15/14) i Zakona o lovstvu ("Službene novine Federacije BiH", broj 4/06, 8/10 i 81/14)".

**Član 4.**

(Utvrđivanje prečišćenog teksta)

Ovlašćuje se Zakonodavno-pravna komisija Skupštine Kantona Sarajevo da utvrdi prečišćeni tekst Odluke o osnivanju lovišta na području Kantona Sarajevo.

**Član 5.**

(Stupanje na snagu)

Ova odluka stupa na snagu osmog dana od dana objavljanja u "Službenim novinama Kantona Sarajevo".

Broj 01-05-32675/15

21. decembra 2015. godine

Sarajevo

Predsjedateljica

Skupštine Kantona Sarajevo

Prof. Ana Babić, s. r.

Na osnovu člana 18. stav 1. tačka b. Ustava ("Službene novine Kantona Sarajevo", br. 1/96, 2/96, 16/97, 14/00, 4/01 i 28/04), člana 3. Zakona o ustanovama ("Službeni list RBiH", br. 6/92, 8/93 i 13/94), i člana 20. Zakona o srednjem obrazovanju ("Službene novine Kantona Sarajevo", broj 23/10), Skupština Kantona Sarajevo, na sjednici održanoj dana 21.12.2015. godine, donijela je

**ODLUKU**

**O DAVANJU SAGLASNOSTI ZA OSNIVANJE  
SREDNJE ŠKOLE GIMNAZIJA UNIVERZITETA  
SARAJEVO SCHOOL OF SCIENCE AND  
TECHNOLOGY**

**I**

Daje se saglasnost za osnivanje privatne srednje škole naziva: Gimnazija Univerziteta Sarajevu School of Science and Technology, Sarajevo, ul. Bistrik broj 7.

**II**

Odluka iz Tačke I stupa na snagu danom donošenja, primjenjivat će se od 2016/2017. školske godine, a objavit će se u "Službenim novinama Kantona Sarajevo".

Broj 01-05-32676/15

21. decembra 2015. godine

Sarajevo

Predsjedateljica

Skupštine Kantona Sarajevo

Prof. Ana Babić, s. r.

Na osnovu člana 117. Poslovnika Skupštine Kantona sarajevo ("Službene novine Kantona Sarajevo", broj 41/12 - Drugi novi prečišćeni tekst i br. 15/13 i 47/13), Skupština Kantona Sarajevo, na sjednici održanoj dana 21.12.2015. godine, nakon razmatranja Programa rada KJU "Porodično savjetovalište" za 2016. godinu, donijela je

**ODLUKU**

**I**

Daje se saglasnost na Program rada KJU "Porodično savjetovalište" za 2016. godinu.

**II**

Ova Odluka će se objaviti u "Službenim novinama Kantona Sarajevo".

Broj 01-05-32679/15

21. decembra 2015. godine

Sarajevo

Predsjedateljica

Skupštine Kantona Sarajevo

Prof. Ana Babić, s. r.

**PROGRAM RADA**

**KANTONALNE JAVNE USTANOVE "PORODIČNO  
SAVJETOVALIŠTE" ZA 2016. GODINU**

Sarajevo, oktobra 2015. godine

**I - UVODNI DIO**

Program rada Kantonalne javne ustanove "Porodično savjetovalište" za 2016. godinu predviđa poslove i zadatke koje će ova ustanova realizirati u periodu 01.01.-31.12.2016. godine,